



後村先生大全集卷第十四

詩

雜詠一百首

萇弘

宗周危可憫萇叔死非難臣血三年碧臣

柳下惠

不怨窮并佚能安小與卑何須立奇節展季即吾師

樂毅

忿懟及韓駟荒唐入郢鞭樂生端可拜寧死不謀燕

屈原



丹



芊姓且為虜累臣安所逃不能抱祭器聊復著離騷
賈誼

寄聲謝絳灌勿毀洛陽人歲晚治安策諄諄禮大臣
虞翻

孝廉已稱帝賓佐盡封侯不道投荒客交州白了頭
顏魯公

鬼質內持衡 雛外握兵一朝臨白刃乞米老儒生
李白

幸自忤將軍那堪觸太真世無郭中令誰贖謫仙人
陸贄

飲食晚由竇門庭誰敢闕禁中無急詔不記奉天時
劉蕡

貂璫竊大柄韋布獻孤忠榜出惟風漢無名在選中
右十臣

尹伯奇

不愁兒足凍第恐母心傷所以子范子惟彈一履霜
且曰

莫親於父子天性有時移竟以婦為屬空令傳作詩
申生

君父如天地雖逃安所之可憐共世子死不恨驪姬

魯子

親幼何以報子職貴乎勤梨本非難熟瓜殊未易耘
伍尚

伍奢呼二子一至一奔焉逃父吾無取讎君亦未然
扶蘓

詔自沙丘至如何便釋兵君王令賜死公子不求生
東海王彊

聖經非拒父古誼有傳賢據以兵求勝彊能智自全
姜詩

晨興風色惡日晏汲歸遲寧與閨中訣莫令堂上飢

王祥

禮律通稱母寧分繼與親乃知履霜子絕似卧冰人
寧王

智出建成上賢於子糾多至今稱讓帝當日喚寧哥
右十子

伯夷

木主來西土檀車濟孟津只應千萬世瞻仰首陽人
嬰曰

賢矣兩家臣存孤極苦辛後來有曹母亦是受遺人
王燭

稷下空多士誰爲國重輕列城七十二死者一書生
魯仲連

六國均南面甘爲北面臣向微生一叱幾帝虎狼秦
豫讓

紛紛荆聶輩猶有利而爲智氏已無後先生欲報誰
龔勝

已設牀臨牖何須綬着身遂令移鼎賊知愧飾巾人
陶淵明

卜築堪容膝休官免折腰寧書處士卒不踐寄奴朝
甄濟

唐德雖中否猶能愧畔臣盡驅汙賊者徃拜詐暗人
何蕃

城去曾聯疏宣收亦舉幡向令無太學安得有何蕃
司空圖

節將飛颺去牙郎賣弄餘唐臣不負國惟有一尚書
右十節

許由

一聞堯禪後洗耳急歸休鄰叟嫌泉濁牽牛飲下流
沮溺

皇皇問津者藐藐耕耦人不識吾夫子寧非古逸民

荷蓀丈人

客云自孔氏不覺喜逢迎止宿見二子孰云無世情

接輿

上古聞巢父衰周有楚狂由來豪傑士不必待文王

四皓

去避坑焚禍來成羽翼功留侯不自語驅使紫芝翁

西生

尚恐公污我何妨史失名深衣與短製同召不同行

嚴光

幸自沉冥去無端物色求蓑衣亦甚釣何必披羊裘

梁鴻

肅宗漢明主猶惡五噫詩一旦拂衣去世人那得知

龐公

採藥棲遲穩燃萁慕奪危景升不愛子却念德公兒

汾亭釣者

太公輔西伯嚴子客東京獨有汾亭者無人得姓名

右十隱

荀卿

歷歷非諸子駸駸及聖丘乃知焚籍相亦自有源流

穆生

決去先生勇懷安二子慙向令猶在坐楚市赭衣三
伏生

偶脫驪山厄龍鍾九十餘誰知漢掌故傳得不全書

韓固

面折公孫子堂堂負直聲安知上前議乃復有黃生
申公

縮減不自保強致老先生魯却今朝罷蒲輪昨日迎

倪寬

茂陵輕樸學寬對乃忻然口謾談三代書纔說一篇

劉向

竊弓俱奮臂窺鼎迭磨牙同姓餘中壘昌言抑外家

周堪

舊僭臣學淺晚召主恩深莫鑒蕭張否重來遂病瘖

鄭司農

新箋傳後學古訓發先儒不擬狂年少燈前罵老奴

王通

當時三晉地已有聖人生不曉河汾氏爲隋策太平

右十儒

孟之反

棄甲爭先去收兵殿後回但云馬不進應自聖門來

曹沫

數戰數敗北寧非將略疎收功一七首安用讀兵書

廉頗

浪說三遺矢猶堪一據鞍君王不自試耳目信人難

李牧

說客爲秦謀君王信郭開向令名將在兵得到叢臺

白起

太息臣無罪胡爲伏劍鉞悲哉四十萬寧不訴蒼蒼

蒙恬

絕漠功雖大長城怨亦深但知傷地脉不悟失人心

魏尚

塞外傳烽急雲中調守難誰爲帝言者白髮老郎官

李廣

飛將無時命庸奴有戰勳誰憐老衛尉身屬大將軍

馬援

土室不堪處其如瘴毒何暮年款段馬有媿少游多

劉琨

除却祖生外餘皆在下風老奴口耳小安得肖司空

右十勇

廣成子

不能戰涿鹿聊復隱崆峒揮手謝軒帝毋煩順下風

彭祖

活得如彭老憂愁八百春頻爲哭殤叟屢作悼亡人

老子

了不見矜色睟然真德容先生新沐髮弟子歎猶龍

列子

肉身無羽翼那有許神通會得冷然意人人可御風

徐甲

白骨因誰活青牛與爾俱未酬再生德更索積年逋

王子晉

宿有騷鸞約飄然溯碧霄不爲君主鬯却伴女吹簫

安期生

子羽徒扛鼎其如欠轉圜不能決王霸聊去作神仙

劉安

忽棄國中去疑爲方外遊早知守都廁何以慕仙休

梅福

忽去爲吳卒深逃安漢公翻身天地外脫屣市朝中

孫思邈

藥品用昆蟲遂虧全活功至今仙未得只在蜀山中

右十僊

瞿曇

世傳漢明帝始夢見金身曷不觀列子西方有聖人

維摩

面色削瓜黃眉毫覆雪長安知四天下只在一禪牀

善財

放勳訪吾叔魯叟問弘明所以此童子諸方亦徧參

達磨

直以心為佛西來說最高始知周孔外別自有英豪

盧能

明鏡通神秀菩提犯卧輪更將舊衣鉢占斷不傳人

馬祖

若非大氣魄只是小機鋒老子一聲喝學人三日聾

德山

此老手中棒輕輕也有癡佛來與三十某甲莫須餐

支遁

若以色見我幾於貌失人林公少鬚髮澄觀欠冠巾

澄公

值亂行何適隨緣住亦安能將石虎輩只作海鷗看

誌公

寺甲於江左身迎入禁中如何淨居殿餓殺老蕭公

右十釋

衛姜

俱着錦衣裳憑誰辨綠黃可憐君老矣賢嬖不賢姜

阿嬌

甫聞阿嬌進又報衛娘留莫倚金爲屋重重只鎖愁

烏孫公主

玉座吞聲別轎車觸目悲如何漢公主去作虜閼氏

平后

歆已作佐命雄甘爲大夫獨餘黃室主不肯面新都

辟司徒妻

倉皇問君父忠孝兩關心絕勝杞良婦惟知哭稟砧

冀缺妻

昔有二人貧耕田與負薪朱妻忘求去卻婦敬如賓

黔婁妻

夫節獨高古婦賢傳至今既爲加美謚復不用邪衾

齊人妻

不敢怨夫子徒悲誤妾身安知同穴者乃是乞墻人

儒仲妻

彼雖飾容服吾穉業耕鋤不以貧慙富賢哉婦儆夫

廬江小吏妻

尊嫜有嚴命妾不獲從夫去去猶回首諄諄別小姑
右十婦

召南媵

貴賤有定分勤勞無怨心若令逢呂武亦化作姜任
李夫人

恍惚疑如在纏綿愛未休明知已仙去猶欲出神求

馮昭儀

獸不能加害傾身障赭紅安知了與傅他日鷲於熊

班婕妤

妾命薄如紙君恩冷似冰生當事長信死願奉延陵

蘓秦隣妾

主命亦危矣媼謀真拙哉煩君賜妾杖嗔妾覆君杯

樊通德

粧束姑隨世風流亦動人等閑擁髻語千載尚如新

銅雀妓

誰謂曹瞞智回頭王座空向來臺上妓盡入洛陽宮

房老

殘香猶在寄舊曲尚書帚不及新歌舞樽前奉主君

綠珠

向來金谷友至此散如雲却是娉婷者樓前不負君

柳家婢

忽見牙郎態吁嗟悔失身不虞小婢子曾是柳家人
右十妾

後村先生大全集卷第十四

後村先生大全集卷第十五

詩

雜詠一百首

毛遂

兩國爭衡際諸君袖手觀羣然着珠履誰肯捧銅盤
荆軻

把袖謀幾售開圖計忽窮空遺千古恨不中祖龍胸

項羽

頓無英霸氣尚有婦兒仁聞漢購吾首持將贈故人
陳勝

辛苦傭耕久飢寒謫戍餘竟令秦失鹿首爲漢毆魚
博浪壯士

殿上俄沉血沙中竟脫身乃知燕刺客有媿漢謀臣
朱家

貴不見渠面危曾活爾身奈何施一飭便責翳桑人
田橫

南面稱孤貴西京謁帝卑誰能如李密更望一台司
劇孟

向令從七國是自列陪臣太尉空稱賞非知劇孟人
孫策

魚服俄離網龍泉忽缺鎡却將江左業分付紫髯郎

周戴

戴昔劫名士周嘗暴里人少年一蕩子歲晚兩忠臣

右十豪

鬼谷子

遺書今羽化傳者匪真書此老縱橫祖儀秦得緒餘

儀衍

雖以賓師待幾於妾婦然不羞君割地謾對客談天
韓非

韓子沉於慘明書妙造微百年同一傳誰是復誰非

莊子

夸大帝傳由形容跖侮丘僅饒明禦寇共載一虛舟
侯羸

白髮夷門老能興晉鄙師魏王備他盜曾不備如姬
范睢

不待精神契惟憑頰舌求暮年薦燕客差勝似穰侯
蘓秦

常產常心論平生不謂然晚知蘓季子佩印為無田
田光

北面老先生人間事飽更不聞求樂氏但見薦荆卿

茅焦

焦子如天膽秦王似屋嗔如何刀鋸上活得解衣人

蒯通

酈生方橫死蒯徹亦陽狂設不逢劉季同趨一鼎湯

右十辯

墨翟

墨子城無恙公輸械有窮要須能壁立未可恃梯攻

樗里子

石馬殘陵下金鳧出藏中誰云樗里智卜墓近秦宮

陳平

巧言愚冒頓厚賂餌閼氏秘計言之醜剛云世莫知
鼃錯

危鼃知不免削楚慮空長東市哀朝服西京號智囊
楊脩

老賊有肝鬲多爲德祖窺誰令預壽事更與共觀碑
倉舒

全活噉鞍吏平章秤象船不乎真有幸舒也竟無年
荀彧

殺身明逆順濡足救危亡未必荀文若甘爲操子房
劉備

華容蘆荻裏一炬可無遺歎息劉元德平生見事遲
杜預

征南滿腹智實似小兒癡漢水有涸日沉碑無出時
李衛公

肘後臣非靳胷中彼未純乃知兵妙處不可妄傳人
右十智

韓起

帶從內府頒枕出古陵間却笑韓宣子區區愛一環
富平侯

童作夫人紡藏錢百萬多不知三篋內還記舊書麼

董卓

虎視無強對鳩張有寡心可憐臍裏燭不照塢中金
王戎

惜李常鑽核商財自執籌如何嵇阮輩放入竹林遊
石崇

金谷觸豪友珠樓擁豔姬南交來處悖東市悔何追
祖珽

左氏譏懷璧楊公却袖金安知機巧者藏得叵羅深
張說

王檢匪頒隆珠簾餽遺通更揮諛墓筆褒讚死姚崇

元載

三千兩鍾乳八百斛胡椒不悟口中鞮猶貪掌上腰
杜兼

沒有財遺臭生無善可傳向來堆百屋盡是窟即錢
桑維翰

五季驕諸鎮終朝易十人使無孔方癖猶是晉名臣
右十貪

尹氏

聚蹶并番槁今猶唾姓名國人深可畏尹氏更須平
太宰嚭

西子宴姑蘓靈胥賜屬鏤如何居上宰忠越不忠吳
呂不韋

豫建無長慮旁窺有敗心絕羸由呂相繼馬乃牛金
李斯

焚餘寧有籍坑後更無儒不解愚劉項翻令二世愚
公孫弘

極力排舒黯聯翩去不迴惟應刀筆吏時得到翹材
孔光

佞幸傳呼至師臣偃偻迎暮年靈壽杖幸自可扶行
李林甫

二相去留際中原治亂分異時馬上淚遙灑曲江墳

盧杞

僭偽蟠宮闕忠賢血賊庭相君無喜愠面色只藍青

崔昌遐

本欲除閹腐安知召寇戎縑卽不爲相朱賊得稱雄
馮道

坐閱數朝主竟爲何代人漢官駁歷遍更作虜師臣
右十檢

巷伯

哆侈何其甚憂傷只自知雖經夫子筆不廢寺人詩

梁丘據

國漸移田氏人誰悟景公牛山兩行淚據與寡人同
臧倉

嬖與賢分國賢踈嬖在旁未嘗無樂克其柰有臧倉

景監

但見顯朝父誰知媚竈勤紛紛由嬖進非特一商君
趙高

歸自沙丘後因專定策功國由中府令帝出望夸宮

曹騰

費亭侯在日亂已有萌芽養得螟蛉種猶能覆漢家

張讓

舉國排閹尹還鄉少弔賓太丘芻一束全活幾多人

高力士

五十年間事渾如曉夢餘三郎南內裏何況老家奴

仇士良

國老辭機密閹兒叩緒餘殷勤傳一訣莫遣上觀書

張承業

勅使爲唐患忠唐獨有君晚知王自取悞殺老監軍

右十嬖

神農

盡識復無毒明知董有灾安知嘗試者百死百生來
素女

厥初賦形貌固已具陰陽素問無人讀流爲采戰方
扁鵲

疾始於榮衛哀哉不預謀貪生諱聞死天下幾桓侯
醫和

壽有可延理醫無不死方扁曾憂骨髓和亦畏膏肓
李醯

自昔名高世皆由藝入神未應除扁鵲世上便無人
夏無且

秦法嚴堂陛秦兵繞殿廬如何危急際只有一無且

華陀

古來神異少天下妄庸多文帝能全意曹瞞竟殺陀

壺公

跳入無人見誰知有路通長房非點者草草出壺中

陶隐居

方差能腊腹學誤至漸襟幸有經文在休於注脚尋

韓伯休

女子乃知我明朝變姓名可憐逃不密猶迫詔書行

右十醫

巫咸

列書說知死楚些說招魂尚莫窺壺子安能返屈原

史蘓

繇語幾於讖流傳信有諸王何謾辛苦易自是占書

詹尹

魚腹纍臣訣蛾眉衆女仇靈均空發問詹尹若爲訓

季主

宋賈兩名士茫然立下風信知古賢聖多隱卜醫中

洛下閎

巧曆雖千歲先知一日差未能下筭子亦道是占家

嚴君平

賣卜本逃名下簾無市聲如何穹壤內知世有君平

京房

元帝何曾諭京生自此踈區區推卦氣欲撼石中書

管輅

平叔知幾語疑於易學通歲朝不相見隔日問三公

李淳風

逆知生女主預說覆唐宗誤殺五娘子安知在後宮

袁天綱

似有人推背相傳果是非請君看秘記若箇泄天機

右十卜

項橐

義理無窮盡雖立或未知老聃與項橐聖豈有常師

甘羅

幽谷非無士登庸乳臭兒空令園綺輩頭白不逢時

外黃兒

子羽力扛鼎諸侯屈膝臣能從小兒語盡活一城人

終童

武帝有荒志終童無遠謀長纓自繫耳莫繫越王頭

童烏

擊蒙鑿帝竅躡等草玄經混沌死七日童烏夭九齡

荀陳

或作操謀主羣為丕上公暮年翻有愧膝上與車中

孔融子

二禘吁何罪冤猶在史書老瞞渾忘却只記哭倉舒

通子

但愛梨并栗不傳琴與書乃翁莫惆悵他日舉籃輿

阿宜

牧有諄諄誨宜無赫赫聲假令如叔父一世得狂名

阿買

座上交游廣城南講讀餘如何萬金產只解八分書
右十穉

漆室女

舉國聽桓子呼天誅孔丘可憐倚楹女徒爲魯君憂

東家女

神女登徒子微詞未必然感襄通一夢窺玉費三年

散花女

狡獪疑爲幻姝妍復似魔殷勤把花去莫惱病維摩

緹縈

天子覽書悲肉刑無復施不惟嘉烈女亦自活神醫

曹娥

穹壤有時敬娥名萬古垂直從彤管筆便到色絲碑

阿承女

古人重言德初不論傾城切莫傷容鬢猶堪嫁孔明

戴良女

竹筥并練帔何妨託妾身若逢夫婿問向道乃翁貧

木蘭

出塞男兒勇還鄉女子身尚能吞北 斷不慕西鄰

投梭女

琴挑何曾動梭投未免慙女郎循古禮元不解清談

靈照

目如飛蓬亂家賣漉蕪供老漢驚吾女禪機捷乃翁

右十女

後村先生大全集卷第十五

後村先生大全集卷第十六

詩

讀竹溪詩一首

不敢匆匆看晴窓幾絕編參他少林髓饒得奕秋先
友願低頭拜師曾枕膝傳已將碑印子牒過竹溪邊

甲辰書事二首

捷書猶濕謗書隨太息斯人得禍竒文舉舊曾稱一
鶚退之亦自喜孤羆彼讒罔極身羅織吾意憐才力
髮絲老去眼中神駿少諸君莫怪道林師

二

往昔曼卿曾奪敕後來同甫竟成名
草茅匹士謀身拙槐棘諸公議法平
囚服若爲探禹穴明時定不血
秦坑何當拜舞雞竿了沽酒刲羊與壓驚

再和

動而得謗亦名隨生子看來不必奇
爾輩真堪界豺虎君王安用獵熊羆
人言李白文如錦誰信盧能命
若絲回首世間機弄惡子歸閉戶有餘師

二

鵠袍再着姑行法鴈塔重來定策名
大尹前呵寬賈島相君十反訪州平
故溪舊有釣魚石平地今多陷

馬坑不信天公囚西鳥一鳴會遣百蟲驚

三和

自古名高易毀隨誰令個儻更權竒心
知吾友必中鵠眼見乃翁初夢罷所幸
解驂逢晏子不須結客報袁繇
古人進德多因此公治臺卿即汝師

二

同進多爲蕢訟屈薄徒苦與賀爭名
從教雪犬吠所怪肯學秋蟲鳴不平
沙虱伺人陰發矢蝦蟇欲客化
爲坑王川答蝦蟆云我相逢莫說當時事
說看當時尚失驚

四和

一素蕭然五鬼隨竟緣名盛與文奇可曾天下無麟
鳳何必山中有虎羆蜂蠆尾猶如許毒蜘蛛腹得幾
多絲聖賢不校吾家法車及蒲騷豈足師

二

誰謂斯文無定價獨憐之子坐虛名主司頭與筆俱
點宰物心如秤樣平駿馬卻還國西域病鴟墮落屋
東坑老夫謝絕人間事亦為諸賢喜且驚

五和

出門機穽已相隨竟放靈均逐伯奇始若齧膚微似

蚋俄然擇肉及於羆韓詩擇肉於熊不言快箭穿楊
葉却訝長松託兔絲羆肯顧兔與狸敗壞人材由利祿乃知魯黜勝

顛師

二

少日父兄夸俊聲後來場屋擅文名錦囊久矣憎長
吉王枕幾於殺阿平王敦殺平子恠底鷗羣及魚隊
化為虎落與蛇坑可憐彩翠矜毛羽顧影無言只自驚

六和

對策南宮恥詭隨聊據腹憤發曾奇並驅何異牛同
驥獨步方知虎畏羆罰汝業儒磨鐵硯輸他擁妓寫

烏絲區區夢裏爭蕉鹿笑殺傍人與士師

二

范老登科猶別姓余公應舉亦更名人心何止予般
險世道于今砥似平到了赭衣同適市知他白梧欲
誰坑鍾會作大坑白梧欲殺魏兵未幾為魏兵所殺雲端別有冥冥翼不受
虛弦浪箭驚

七和

妙年文價重和隨不料東家產此奇讒者紛紛傳有
虎詞人往往讓于罷探囊已足三年艾補袞那無五
色絲聞說卜鄰王翰了長卿安敢出偏師

二

南宮放榜已蜚英北闕傳臚却漏名潜抹八义文最
敏温飛盡歸一網氣難平白生作麼教持杵越石爭
些已見坑王愷欲坑劉琨兄弟莫倚晴天頻吐綬兒童見了又
須驚

八和

點兒陰挾彈丸隨發巧懸知中必奇蠅本至微求附
驥羴猶可畏况生羸李義山詩封狼烘燂似蟲羣藏
絮纏縛如蠶自吐絲王汝于成賴渠輩何須挾策遠
從師

二

早知抱璞煩三獻底用操觚角一名歸去驢堪馱子
美向來羊尚記初平里居僅有簞瓢巷壁立元無鼓
鑄坑說與漆丁并德曜從今熟寢不須驚

九和

羣兒孰敢比肩隨翻水成文出愈奇人欲關弓戕后
羿天寧飛箭中王羅愛材不忍淹叢棘去惡真如斬
亂絲珍重阿蒙宜努力此生不可負君師

二

貫索星明方用事金花帖至枉標名朝無左右容鄒

子家有嬋娟詈屈平忍使衣冠同坐錮未聞縫掖自
相坑還鄉何止交游絕鷗鳥逢渠也自驚

十和

一夫倡禍翕然隨白晝通都作崇竒割肉直將人餒
虎聞聲能感類求罷忽傳先輩逢清雪失喜衰翁有
黑絲自古英材須樂育謂子不信質先師

二

盛德能容人有技伎心尤忌士知名訓狐聲屬憎韓
子鸚鵡才高累襴平斑特隱君幾負局塞鴻奴輩不
煩坑客來林下温前話尚得山翁掩耳驚

送實之倅廬陵二首

芻言當日偶然同白首家山各固窮海內僅存一畏
友人間遂有兩愚公似聞黃閭登迂叟且向青原訪
醉翁此士未應無着處栖栖十載六沿中

二

君去江邊春色濃郡花照席萬枝紅守分風月元非
贅吏白文書但託聾黃本何堪處秦觀白麻近已拜
申公早歸了却蘭臺史莫久吟詩快閣中

送葉士龍歸竹林精舍

侍講開甥館三間不至奢少曾居北面老只住東家

野筍庖尤美深衣袞未華何時尋舊路去謁玉川茶

勉齋依文公以居
雲叟勉齋高弟也

題李斗南詩卷

君家兩詩人詩名滿天地大若扶宿醒入論金鑿事
小若乘天風去草玉樓記却後五百年之子豈苗裔
奈何不神僊亦復未富貴抱瑟諸公門索米長安市

題安仁陳慧父詞卷

已着西山序集端欲添一字愧才慳平生行脚千詩
裏歲晚營巢萬竹間後有揚雄寧不好世無孔子孰
能刪歸舟他日溪邊過珍重先生莫掩關

夜讀樂平吳樂書鈔用與伯紀韻

病思羈懷少豫忻暮年猶幸友多聞千枝管堯因稽
古一啜芹甘欲獻君明主何曾輕撲學後儒大率讀
今文藏山俟聖吾濟事何必時人好子雲

挽湯仲能

扶起真三秀分飛祇二難怕趨丞相熱寧忍后山寒
梅老徒書局徂徠不諫官如何令國奕白首局傍觀

二

訃至聳三日悲來贖百身太丘州里化伯起子孫貧
零落歐門士消磨濮議人殷勤齋掬淚一灑素車塵

無題

主聖如天恐棄遺臣愚何地着孤危白虹貫日殆虛
語中野履霜無怨辭寶玦已隨屍血浸鐵鞭未必鬼
臂知暮年一寸丹心在却怪湘纍有許悲

十一月二日至紫極宮誦李白詩及坡谷和
篇因念蘓李聽竹時年各四十九予今五十
九矣遂次其韻

翰林西僊人偶來聽風竹蕭蕭玉千竿采采綠一掬
少時負不羣中歲乃見獨嗟余長十年所至戀三宿
徑當還笏歸奚俟揲著卜夜即與僊耳老大費徃復

宜州殿其後路險車又覆山中採芝去舍不炊梁熟
答王侍郎和紫極宮詩

侍郎如蒼官歲寒友梅竹步行以當車瓢飲不如掬
舊人存者少靈光歸然獨朝野推意新州閭敬茲宿
嗟余詩學淺未敢窺衛卜衛宏朱絃纔一倡白圭費
三復共談端平事前局尚堪覆願言介眉壽江鄉秫
田熟

答廬陵彭士先

昔牧昌黎州嘗負君詩債今使番君國又辱君訪逮
稍訝顏髮非因感歲月邁君氣不惰歸君詩有光怪

乍觀祛日青徐聽驚耳聵柰何行推敲不使坐賡載
茫茫彭蠡津衆水之所匯投竿鼈堪釣拔劍鯨可膾
茲事要力量斯文極變態吾方因銘甯君亦挑布袋
人生并合難况復各老大

題弋陽方友民所藏紫巖西山二帖

摩挲妙墨憶微言故篋纔餘二帖存往昔翁爲紫巖
客後來子及浦城門晚生多說參諸老他日誰堪見
九原自歎西河索居者暮年歸夢遠田園

題方友民詩卷

刪定實惟曾大父文忠况是老先生力行所學斯無

愧倘發於詩亦有聲合止笙鏞成雅奏抉挑草木示
微情嗟余公事君歸興不得相從細講明

答陳楸伯

乃翁良玉不勞攻之子天葩特地紅海道扁舟明日
具江東尊酒幾時同上樓誰伴老元德驚座今逢小
孟公回首暮雲千里合有書何處託征鴻

二

聖處分明世鮮知古人豈是異肝脾謂鼇可釣無傳
法視虱如輪有悟時老子夢中還說夢即君詩外試
求詩向來枉立埋腰雪妙在心通不在師

送王允恭隱君

一葉撐來江浪闊兼金却去客囊空都將歲月供丹
竈不要功名上景鐘古有禮羅招處士今無書幣起
逋翁南陽祇在荊州北時一登高弔卧龍

送方時父

回來羞作繞枝飛劉表區區不足依索飢兒嗔即罷
出畫眉人約稟砧歸食魚底處容長缺射虎今方尚
短衣老縛一官行未得羨君去採故山薇

題宋謙父四時佳致樓

吟者多矣率爲環翠卒章下注脚惟張公

元德兼取別詩佳興與人同之句以互相發明余不識張公端平初同召審張辭不至余所愧也故拙詩本張遺德

四序推移景迭新二詩體認理尤親愛蓮亦既見君子看竹不須通主人領略春風來廣坐分張月色過比鄰端能着我西家否客戶何妨贅一民

題宋謙父詩卷

佳山祠畔結茅茨猶記吹埴更和麈蘓氏舊稱小坡賦秦家晚重少章詩交游一老今華髮疇昔諸昆最白眉子不可求吾欲去壁間塵榻拂何時

寄楊休文高士

未容前書每有慙忽收近訊自開緘繳回玉笥山人號換得金門羽客銜石鼎聯詩塵滿硯竹宮應制草盈函可憐予與君俱錯投共方思却戲衫

題倪上人詩卷

故交歲晚各西東邂逅斯人慰老窮莫把冠巾浼澄觀更添鬚髮惱林公強牽謝客爲禪客閑伴涪翁作釣翁行矣余方有公事異時儻肯訪山中

題羅亨祖叢菊隱居

令君抱送當秋晚手種寒葩占斷清伯始厚顏貪飲

水靈均滿腹飽餐英要須晚節分香臭寧與朝華角
悴榮父老方夸琴調古未應高興慕淵明

題餘干姚三錫書鈔

頃傳湯序心傾挹茲得姚鈔手闔開朱子所疑非孔
傳漢儒之罪甚秦灰時清縱未經筮召歲晚寧無掌
故來攬轡遠臣慙力薄不能爲國論遺材

挽李秀巖

耆舊凋零尚秀巖可堪華表揭新街甘泉頌就拋荷
橐寶苑方收入枕函宿昔山人來少室暮年太史滯
周南嗟余去速公歸晚不得埋腰立雪參

二

獲麟以後更休論化鶴而歸亦浪言過眼忽看遺老
傳終身不及長公門山房惜未從公擇書局聞曾擬
道原今丞相游公嘗言秀巖欲以史局見辟六合茫茫千載遠些成無
路可招魂

追用南塘韻題尹剛中潛齋

幽士慕鱗潛通人笑蚓簾誑腸虀味美節腹筍生添
諸老徒推轂先生且下簾食惟陳盞二餽不費金兼
和靖招延晚方齋仕進恬緒言傳粹密古調掃穠纖
紫氣來傍境靈氛告吉占因思眠雨艇得似曝晴簷

無已游坡谷徂徠客弼淹芻言輕一羽未必動巖瞻
追和南塘韻呈湯伯紀尹子潛

誅南浦了誅餘杭各掩新丘若芥堂不見天球在東
序競吹宮邃奏西涼後生誰附青雲傳故吏惟餘白
首卽浩歎縹縹雙鳳遠老身如鴈漫隨陽

題蔡炷主簿詩卷

詩作平生崇因而廢不爲君豪類挑戰吾老怯交綏
哨騎來無定網船發尚遲日長無職事半是撚髭時

又七言

舊止四人爲律體今通天下話頭行誰編宗派應添

譜要續傳燈不記名放子一頭嗟我老避君三舍與
之平由來作者皆攻苦莫信人言七步成

題汪道士雲庵

觸石纔膚寸垂天忽怒飛道人不出戶笑汝出還歸

次韻湯伯紀送別二首

尚在朝廷記憶中敢於父命擇西東獨憐家有百歲
母可使人嗤六十翁芟製子能華歲晏尊羹吾亦感
秋風書成藏向深山裏莫費君王遣所忠

二

比似莆杭傾蓋時更崇古雅黜新奇久栖衡泌寧非

樂不倚門墻未易麾析理自應重講席論文吾合暨
降旗撫絃欲奏成三歎何處而今有子期

餞送高大著出鎮嚴陵

抗疏鳴陽易翻身出書難無家歸蜀道有敕管嚴灘
席橐臣言戇分茅聖度寬空令同館士極目認帆竿
進經筵講禮記徹章詩

惟王建邦國以禮定乾坤大分嚴堂陞彌文及冠昏
徐行非曰遜亟拜不爲煩臣豈容私量入誰越短垣
秦惟捐則覆魯以秉而存制備周京奠儀成漢帝尊
民彛何可泯經籍未嘗燬明主親臨決諸儒共講論

裨謔謾求野戴聖自專門汲學方垂範聘書盡塞源
四篇殊建武百問陋開元會粹新編鉅芟夸聚訟繁
俾辭羞徇曲小辨戒猩言舞蹈威顏近傳宣詔語溫
昭回灑犧畫燕衎洽克躔寶帶頒藏府名駒出大宛
棟持叨象版烹啜試龍園羈賤均螻蟻清華綴鷺鶴
諛聞慙倚席朽質謬乘軒佔畢無嘉頌將何報上恩

恭和 御製禮記徹章詩

臣某恭惟 皇帝陛下蹈堯稽古法禹惜陰臨政
已二紀于茲典學靡一朝而輟屬者禮經徹卷講
席第勞錫御府之珍藏張鈞天之廣讌被以昭回

之飾洋乎雅正之音其在宮庭已踐成湯制心之
訓及形翰墨不忘孔氏克己之言皆上聖知行之
所充非諸儒誦說之能贊臣猥從遠服甫侍細旃
夫何螻蟻之微忽覩龍鸞之妙非但詫殊榮於流
輩又將傳至寶於子孫仰止明良方賡喜哉之作
退惟狂簡輒裁斐然之章謹昧死仰和聖製一首
陳謝以聞臣無任瞻天仰聖激切屏營之至
臨決遺經自聖衷固殊野外與淹中五三典禮勤稽
古十六星霜久積功倚席居然慙寡淺登牀安敢系
卑崇防民不在文為末端繫宮庭實踐克

丁未春五首

端平淳祐兩匆匆過眼光陰掣電同六十一翁無出
理孤山常寄夢魂中

二

生死榮枯一付天誰能裸露自求全殷勤寄語袁司
隸濫及無鬚或可憐

三

道是生薑樹上生不應一世也隨聲暮年受用堯夫
語莫與張程幾箇爭

四

屢批龍鱗春未衰孤臣萬死負恩私玉階方寸從容
語惟有天知與上知

五

朝領諸儒上木天夕同野老語茅椽何須支枕思殘
夢宮錦漁蓑總偶然

和鍾子鴻二首

匹雛欲拔佞山難還勅區區慕守官捋虎自憐餘勇
在狎鷗似責昔盟寒新麻斷腕毋容草墮甑迴頭不
更看老子平生差耐事肯於得喪置悲懽

二

清吟頗覺續貂難銜袖勤於贄熟官恠子車輪行地
遠愧余門戶似冰寒春梁禮數呼兒具覆醬文章怕
客看老去高歌聲滿屋孰云野處寂無懽

題端溪王使君詩卷

社友凋零雅道窮使君於此信英雄性情所發前無
古騷選雖高不必同蚤日甫曾懷渭北暮年丘只在
家東何時偃伯興文治盡採新吟獻法宮

疊前韻謝元邃

愈叩新篇愈不窮小儒氣索敢爭雄安知太白心腸
異但見曹公口鼻同顧我牢愁來澤畔放君獨步向

江東南朝人云江東無我卿當獨步他時應制金鑿殿定有蛾眉妬
入宮

三疊

文字無窮才有窮可能纖艷敵渾雄蚤知大將壇場
峻晚作鄰翁保社同臣向讎書曾殿北本傳云石渠在未央殿北
君公避世且墻東後漢避世墻東王君公男兒遇合由時命豈
必詩名滿六宮

挽陳惠倅

昔預八仙飲深知七子才云何埋玉樹不復倒金壘
錦製曾三試羅浮欠一來吾衰慚誅筆搔首寄餘哀

挽姚循州直夫

元泰之弟

太息龍川守專城美績傳方聞歌叔度俄有謗文淵
舊府黃茅外新丘紫帽邊二姚俱已矣懷昔一悽然

荔枝盛熟四首

繡行鄉國詫兒童錦裹宮城擅長雄看取后村真富
貴屋山丹繪半天中

二

曾攀玉季青冥上亦摘蟠桃縹緲邊定是三生有靈
骨謫歸猶作荔枝仙

三

牡丹姚魏荔方陳
歐蔡亡來罕識真
縱使有文堪續譜
未知楷法屬何人

四

吳兒一夏醜
生塵染藕炊
菱不療貧安得風
檣馳萬樹屬饜菜
色覓腸人

石塘感舊十首

浮空紫氣何須爾
度世金丹豈有之
函谷不煩關尹出
城南莫遣樹精知

二

鹿門陳迹有餘哀
猶記龐公返自崖
行到當時相送

處不知老淚自何來

余往來甥館外舅未嘗相送
惟戊子悼亡而歸送至延慶

三

沈郎院閉綵雲收
寂寞秋花折樹頭
留取斷絃來世續
此生長抱百年愁

四

比丘會泣別瞿曇
秦失三號弔老聃
自笑此翁非鐵漢
白頭來此哭同參

五

鬢邊雪映眼中花
更閱人間幾歲華
丁未老人開七袞
尚携雞絮到君家

六
光霽丰標今寂滅靈明根性詎消磨夜來一段佳風
月不見堯夫只見窩

七
三笠相望一牛鳴來掃新松百感生季札旋封丘哭
墓晉人謬謂聖忘情

八
禪學年來亦自衰大叢林屬小閣黎寒翁庵子如蝸
殼却有彌天釋住持

九
中軍晚歲甥辭去左相今朝客不來看取少林誠長
老死生林下伴寒齋

十
久作遼天獨鶴飛鏡鸞餘念尚依依荒山野水蘓溪
路愁絕鰥翁孳影歸

九日登辟支巖過丁元暉給事墓及仲弟新
阡二首

絕巔萬籟靜沉沉重倚闌干感慨深古佛龕中苔上
面故交宰上樹成陰山無白額妨幽討野有黃花且
滿斟莫怪徘徊侵暮色老人能得幾登臨

二

歷歷向時遊覽處重來年已迫桑榆大衾尚欲同林
下華表安知忽路隅自古曾悲摘瓜蔓即今不共插
茱萸人生患不高年爾到得年高萬感俱

題林璞經屬平寇錄

倏爾蜂窠起俄然鼠首梟果能歌去病不枉事嫖姚
瘴嶺收氛稜朝家賞爛焦祝君深養勇稍北有天驕

季父習靜哀詩四首

關洛源流遠乾淳輩行尊一槩常對卷二簋亦開樽
縞素幾空巷玄纁不及門異時遺逸傳誰定訪丘園

二

憶在嬰兒日常依少父傍不嗔仲容小猶只宜長
誨語祛蒙吝埋辭愧情荒從今有疑義無復叩山房

三

習靜先生子劉子新阡即此是標題便無華表翔雙
鶴也有生芻籍隻鷄在昔陶潛書處士從他孟德揭
征西原頭一慟關倫紀始信彭殤未易齊

四

易學紛紛各著書獨於師說着功夫涪翁舊傳七分
止邵子先天一畫無不遺耆英陪講讀空留章句授

生徒即今黃策方施用姑可藏山待後儒

工部弟哀詩二首

忽然吹散恨難平六十年間老弟兄春草池塘成昨
夢夜牀風雨付來生歸謀甫里田差晚去與端溪石
共行部曲出門情態異不如籠鶴有哀聲

二

去歲書來欲解麾數行遺墨半傾欵斑衣不遂娛親
志白髮因吟哭子詩讓棗猶如前日事摘瓜空抱暮
年悲情知衰淚無堪滴原上寒笳苦死吹

挽方德潤寶學三首

龔勝乘車晚陽城伏閣初自云臣語戇不是上恩踈
黃壤全名節青編載諫書始知年與德造物有乘除

二

憶被烏臺劾聃非傳偶同瞽言拚萬死明詔赦孤忠
全活皆英主淹留各禿翁傷心古遺直不返瘴雲中

三

晚賜延和對言公去國深遂良垂白髮臣甫抱丹心
馳驛無銀信移麾有玉音遙知遺奏上未免動宸襟

挽方孺人 寶學之女

壺範經親授笄年詠好述謂迎荷橐返豈料薜蘿休

斷鴈元方恨離鸞小宋愁鄰翁憊無力不及送原頭
陪諸先輩題名登春臺臞軒即席次故相陳
魏公韻其繼作

臺荒屋老閱人深拂拭留題重整襟科目一朝來券
外姓名三世在碑陰公孫晚歲叨明詔裘氏當年費
苦吟報與曲江先輩道老婆非復少時心

二

鰲頭唱首各高聲才薄難披作賦襟已覺鶯花成一
夢尚貪螢雪競分陰即今空負臺萊意宿昔曾賡殿
閣吟北望鈞天搔白首區區終有祝堯心

答循倅潛起

別後書稀夢亦稀忽傳尺素到柴扉不知天驥方徐
步將謂雲鵬久怒飛句律斬新過似舊姓名畧是復
疑非長官仙去賓朋散存者依稀有杜微

亡友鄭君
瑞為闕清

宰君為主簿余
始識君於縣齋

過季父新阡

父兄俱映漢藜青獨老空山聚凍螢生不肯扶靈壽
杖死堪上應少微星向來枕膝傳師學末後懸棺合
禮經惟有書房舊時月夜深得得照踈櫺

後村先生大全集卷第十六



